

Jossy Mansur na Marisol:

Stop di gaña pa purba scapa bo peyeho politico!

"Ayera bo a declara cu DIARIO a cuminsa atacabo pasobra bo a kitami un tereno dilanti di Radisson Hotel. Mi no por kere cu, siendo un ex-trahador social, na lugard di siña bo coleganan eleva nan mes eticamente, bo a rebaha bo mes te na nan nivel di mentira! Bo a keda ainda cu algo di consenshi, of bo tambe a perde tur nocion di honestidad? Permitimi refresca bo memoria:

"Mi no a pidibo ningun tereno: mi a haci esey cu e Gobierno anterior di Henny, y no a haya e tereno cu mi a pidi pa checuta un proyecto di envergadura pasobra el a ser priminti na Gianni, kende tabata tin un reclamo legitimo riba dje. Mi a keda trankilo. Bo a haya e nombramento di Ministro y como cu algun di bo financiadornan, incluyendo Maurice Neme, tabata hopi interesa den e tereno ey, y mi peticion tabata riba mesa sin cu bo por a pone un banda pa duna nan e sin mi, bo a dicidi di inclui mi den e reparticion inhusto cu bo a haci di dje.

Prome mi a haya dos pida tereno, djey bo a kitami un di nan, djey Maurice no tabata contento cu e layout cuadra di e tereno y el a obligabo convirte den un layout den forma di L pa e haya un mihor pida, despues di Gianni, na kende e tereno originalmente a ser duna. Ta e ta e receptor legitimo di henter e tereno cu bo a dicidi di reparti entre 'bo hendenan', cu e salvedad cu

bo mester a inclui mi pasobra no tabata tin otro manera di hacie!

"Awor, Marisol, despues cu bo a manda kitami e tereno, bo a mira algun protesta di mi den cualke medio di comunicacion, incluyendo DIARIO? Mi a bay Corte di Husticia pa cumpli cu e formalidadnan legal, pero Huez no a dunami razon. Bo a lesa algun caminda cu mi a protesta contra su decision? No, mi a djis sigui e ruta legal prescribible pa casonan asina y a bay den apelacion. E caso ta sigui.

"E otro financiadornan di bo te ainda no a traha nada riba e tereno cu bo a duna nan, cu excepcion di Gianni. Ta Maurice atrobe, cu e dominio absoluto cu e tin riba bo, a haya un yenamento di santo y probablemente pago pa un tent cu un instancia a pone riba dje. Figurabo te unda bo ta bao su dominio total! Bo por bula ariba dal abao, hecho ta keda cu bo ta un titere di

dje, un maniki cu e, como bon comerciante, ta move pa dorna trashet manera cu e ta haya ta bon.

"Cu Maurice mi no tin ningun problema; e ta haci loke como ciudadano e tin derecho di haci, o sea pidi tereno. Ta abo, guia of no pa Mito, ta esun cu mester duna o nenga e terenonan, y tur hende sa cu bo ta dune loke e pidi, sin limite ni consenshi!

"Lo mi a prefera di no tin di exponebo como e gran gañador cu bo ta, pero bo no a lagami cu otro opcion, Marisol. Keremi cu e tereno cu bo a manda kita di mi no tin nada di haber cu e articulonon cu a sali contra bo. Loke si tin di haber cu bo ta e articulonon tocante e carta di Namdar cu e oferta di 1 miyon di florin di soborno cu bo a haya for di Michael den su forma original, y contra cual bo no apone ni sikiera un denuncia. Es mas, bo no a ni sikiera referi na dje den un di bo discursonan como algo cu

bo ta rechaza den forma categorico. Y ta e concesion cu bo a duna Raoul di caya grandi, y tambe e pier cu bo a duna Maurice a provoca e articulonon cu a sali contra bo, no e tereno insignificante cu bo a dunami y djey a kita.

Pa mi, Marisol, e tereno ey no tin ningun importancia. E no ta afectami den ningun sentido, ni financieramente ni personalmente. Si bo

tabata conocemi un poco miho, lo bo tabata sa esey y bo no lo a bay gaña ayera cu ta pa motibo di esey bo ta den awa cayente ultimamente.

"Loke si mi ta tumabo na malo ta cu bo kier a usami pa purba scapa bo peyeho di e caso turbio di Namdar, e regalo di Caya Grandi, y e Pier di e piscadornan, entre tanto otro caso cu ainda mester mira luz di dia."

"Preke" a cruza caya sin paga tino

ORANJESTAD.(AAN): Diasabra atardi a drenta informe tanto u. polis y ambulans cu ta urgi nan presencia den Colobristraat. Lo tin un homber cu a wordo gedal pa un auto color blauw.

Ora cu patruya a presenta a resulta cu Angel Maduro mihor conoci como Preke tabata herida.

El a golpi na cabez. "Preke" tabata tin su angel wardador ya cu danki Dios ora el a cruza sin paga tino e chofer no tabata core duro, sino e golpinan lo por tabata peor. Pero personal di ambulans a duna Preke prome auxilio y a transporte pa poli pe ricibi atencion medico.

CUMpra AWE, PAGA TE CU CAMPAÑA!!



BEST DEAL

Tel: 5827100

(Pariba di Aruba Bank, Paradera)

Hopi sorto di
Calculator
cuminsando
for di Afl.6,95

